

Na osnovu člana 106. Zakona o visokom obrazovanju ("Službene novine Sarajevskog kantona", br. 36/22), člana 173. Statuta Univerziteta u Sarajevu, Odluke Senata Univerziteta u Sarajevu broj: 01-6-19/25 od 30.04.2025. godine, prethodne saglasnosti Ministarstva za nauku, visoko obrazovanje i mlade Kantona Sarajevo za rpisivanje Konkursa broj:27/03-34-23242-2/25 05. 06. 2025. godine i Odluke Vlade Kantona Sarajevo o broju i strukturi studenata koji se mogu upisati u prvu godinu prvog ciklusa studija i integriranog studija i drugog ciklusa studija na Univerzitetu u Sarajevu u akademskoj 2025/2026. godini, Univerzitet u Sarajevu – Stomatološki fakultet sa stomatološkim kliničkim centrom o b j a v l j u j e

KONKURS

za upis studenata na studijski program **Academic specialist and master study of dental implantology**, zajednički studij Univerziteta u Sarajevu - Stomatološkog fakulteta sa stomatološkim kliničkim centrom, European Academy of Implant Dentistry i Smile USA Academy and Roseman School of Dentistry, Utah

u akademskoj 2025/2026 godini

I

Univerzitet u Sarajevu – Stomatološki fakultet sa stomatološkim kliničkim centrom objavljuje konkurs za upis studenata na studijski program **Academic specialist and master study of dental implantology** u akademskoj 2025/2026 godini.

Specijalistički studijski program iz dentalne implantologije realizuje se kao jednogodišnji ili dvogodišnji program studija, u trajanju od 2 ili 4 semestra i vrednuje se sa **60 ili 120 ECTS** bodova.

Po završetku prve godine stiće se zvanje **Academic specialist of dental implantology**, a po završetku druge godine stiće se zvanje **Master of dental implantology**.

Studij se izvodi na engleskom jeziku.

II

Pravo učešća na konkursu imaju državljani Bosne i Hercegovine koji su završili integrirani studij ili diplomski studij po predbolonjskom sistemu studiranja, a koji se u utvrđenom postupku ekvivalencije izjednačava sa drugim ciklusom univerzitetskog obrazovanja odnosno integriranim akademskim studijem.

Pravo učešća na konkursu imaju i strani državljani sa stečenim odgovarajućim obrazovanjem, integrirani studij prvog i drugog ciklusa, odnosno petogodišnji studij stomatologije sa zvanjem doktora stomatologije/doktora dentalne medicine, u skladu sa Zakonom, konvencijama i međudržavnim ugovorima koji obavezuju Bosnu i Hercegovinu na način i pod uvjetima utvrđenim Zakonom.

Pravo upisa na drugu godinu studija imaju kandidati sa stečenim zvanjem specijalista oralne hirurgije, specijalista maksilofacijalne hirurgije, akademski specijalista dentalne implantologije ili kandidati koji su završili jednu godinu studija implantologije kroz Fellowship program pod pokroviteljstvom Smile USA Academy and Roseman School of Dentistry, Utah.

• **Poznavanje engleskog jezika** na nivou koji omogućava komunikaciju govorno i pismeno, praćenje naučne i nastavne literature, pisanje naučnih radova i korištenje računarskih programa je obavezno.

III

Za prijavu na konkurs kandidati su obavezni dostaviti:

1. **Prijavu**, vlastoručno potpisanu,
2. **Biografiju**,
3. **Izvod iz matične knjige rođenih**,
4. **Uvjerenje o državljanstvu/ Kopiju putovnice/pasoša**,
5. **Diplomu o završenom prethodnom obrazovanju**,
6. **Rješenje o nostrifikaciji/akademsom priznavanju diplome stečene u inostranstvu** ili diploma stečena u jednoj od zemalja bivše Jugoslavije nakon 6. aprila 1992. godine,
7. **Transkript ocjena sa prethodnih studija**,
8. **Dokaz o poznavanju engleskog jezika** na nivou koji omogućava komunikaciju govorno i pismeno, praćenje naučne i nastavne literature, pisanje naučnih radova i korištenje računarskih programa.

Sva dokumentacija treba biti dostavljena u originalu ili ovjerenoj kopiji. Materijali za konkurs se ne vraćaju.

Kandidati strani državljani za sve dokumente dostavljaju i prevod na jednom od službenih jezika u Bosni i Hercegovini. Prevod dokumenta podrazumijeva prevod od strane ovlaštenog sudskog tumača.

IV

Konkurs ostaje otvoren **15 (petnaest) dana** od dana objavljivanja.

Prijave na Konkurs se vrše putem linka za prijavu <https://www.implantologymasters.com/> partneru u zajedničnom studiju - European Academy of Implant Dentistry.

Nakon izvršene online prijave, neophodna dokumentacija se dostavlja poštom na adresu: **Univerzitet u Sarajevu - Stomatološki fakultet sa Stomatološkim kliničkim centrom**,

Bolnička 4A, 71000 Sarajevo, lično na protokol Univerziteta u Sarajevu - Stomatološkog fakulteta sa stomatološkim kliničkim centrom ili skenirano putem emaila dentalschool@sf.unsa.ba